

حضرت یحییٰ نا تبلیغ کرنا

3

¹ فراسرح ہویا کہ جس ویلے رومی شہنشاہ جناب قیصر تبریس نی حکومت نا پندرہواں سال سی، جناب پنطیس پیلطس ریاست یہودیہ نا گورنر سی، جناب ہیرودیس ریاست گلیل نا حکمران سی، ہیرودیس نا پہرا جناب فلپس ریاست اٹوریہ تے ریاست ترخونیتس نا حکمران سی، تے جناب لسانیاں صاحب ریاست ابلینے نا حکمران سی۔ ² انہاں دیہاڑیاں وچ دو بڑے مذہبی پیشوا سن، اک جناب حناہ صاحب تے دؤرے جناب کائفا صاحب۔ اُس ویلے حضرت زکریاہ نے پتر حضرت یحییٰ اپر اک بیابان جغہ وچ اللہ تعالیٰ نی طرفوں وحی نازل ہوئی۔ ³ فر او دریائے اردن نے دواں پاسیاں نے علاقے وچ جائی کے لوکاں کی اسرح اللہ تعالیٰ نا پیغام دینا شروع ہوئی گئے، ”اپنے غناہواں تون توبہ کرو! تے اُس نی نشانی نے طور اپر مہاڑے کول آئی کے پاک غسل کراؤ، تانکہ اللہ تعالیٰ تسان نے غناہ مُعاف فرمائے!“ ⁴ اے گل اُسرح ہی ہوئی جسرح اللہ تعالیٰ اپنے نبی حضرت

یسعیاء نی کتاب وچ فرمائی اے، ”بیابان وچ کوئی بُلاٹا پیا اے، مالک واسطے راہ تیار کرو، تے اُس نا راہ سِدھا بٹاؤ۔⁵ ساریاں وادیاں پَہریاں جاسن، تے سارے پہاڑ تے ساریاں پہاڑیاں ٹھی جاسن۔ جیہڑے ڈنگے تریڈے راہ اِن، اُنہاں کی سِدھا کیتا جاسی۔ جیہڑے اچے نیوے راہ اِن، اُنہاں کی وی ہموار بٹایا جاسی۔⁶ تے ساری دُنیا اللہ تعالیٰ نی طرفوں پہیجی وی نجات تکسی۔“

⁷ جیہڑے ویلے بہوں سارے لوک حضرت یحییٰ کول پاک غُسل کروائے واسطے آئے، تے حضرت یحییٰ فرمایا، ”اے مَکارو! تُساں کی کِس آخیا اے کہ اچھٹے آلے قہرے کولوں نسی سکسو؟⁸ ہُن تُساں ایئے جہے کم کرو جنہاں تُوں ثابت ہووے کہ تُساں واقعی توبہ کیتی اے۔

اپنے دِلاں وچ اے گل نا آخو، ’اساں حضرت ابراہیم نی اولاد آں۔‘ میں تُساں کی پورے یقین نال اے گل آخنا آں کہ اللہ تعالیٰ چاہٹا تے انہاں بٹیاں تُوں وی حضرت ابراہیم واسطے اولاد پیدا کری سکٹا اے!⁹ خبردار! کوہاڑی بوٹیاں

کی مُنڈھوں ٹُکٹے واسطے تیار آے۔ ہر اُس بُوٹے کی کپی
کے اگی وچ سٹیا جاسی جس نا پھل چنگا ناں ہوسی۔“

10 تے فر لوکاں حضرت یحییٰ کولوں پُچھیا،

”آساں کی کے کرنا چاہی نا آے؟“

11 انہاں فرمایا، ”جس کول کپڑیاں نے دو جوڑے ہون،

اُس کی چاہی نا آے کہ اک اُس بندے کی دے

جس کول کُجھ نی۔ اِسرح جس کول کھاٹے نا سامان

ہوے، اُس کی وی اِسرح ہی کرنا چاہی نا آے۔“

12 ٹیکس کینے آلیاں وچوں کُجھ لوک پاک غُسل

کرواٹے واسطے حضرت یحییٰ کول آئے۔ انہاں

پُچھیا، ”حضور، آساں کی کے کرنا چاہی نا آے؟“

13 حضرت یحییٰ فرمایا، ”جتنا ٹیکس گورنمنٹ لایا

ہوے، اتنا ہی کینو۔ اُس کولوں زیادہ ناں کینو۔“

14 کُجھ سپاہیاں پُچھیا، ”تے آساں؟

آساں کی، کے کرنا چاہی نا آے؟“

حضرت یحییٰ جواب دتا، ”کُسے اپر چُوٹھا
 الزام ناں لاؤ، تے ناں ہی رشوت کِہنی کے
 ظُلم کرو۔ صِرف اِپنی تنخواہ اپر راضی رہو۔“

15 اُس ویلے لوک اللہ تعالیٰ نے پہیجے وے مسیح نے
 انتظار وِچ سُن۔ اِس واسطے او سوچن لَغے کہ، ”حضرت
 یحییٰ المسیح اِنّ یا نی؟“ 16 پر حضرت یحییٰ اُنہاں کی
 آخیا، ”میں تے تُساں کی صِرف پائیے نال پاک غُسل
 کراٹا آں۔ لیکن او جیہڑا اچھٹے آلا اے، او مہاڑے
 تُوں رُتبے وِچ اِتنا بڑا اے کہ میں اُس نیاں جُتیاں نے
 تسمے کھولٹے نے قابل وی ناں۔ او تُساں کی رُوح پاک
 تے آگی نال پاک غُسل کراسی۔ 17 کٹک چھائے نی
 ترنگل اُس نے ہتھے وِچ اے، تانکہ او دائیاں کی پہوئے
 وِچوں الگ کرے۔ او کٹکاں کی اِپنے گودام وِچ جمع
 کرسی، پر پہوئے کی اِیئے جھئی اگی وِچ باسی جیہڑی
 گدے نی بُجھن لَگی۔“ 18 حضرت یحییٰ اِسرح ہور بھوں
 ساریاں گلاں کری کے لوکاں کی نصیحت کرنے رہے،
 تے اللہ تعالیٰ نے خوشی نی خبر اُنہاں کی سُنائے رہے۔

19 پر اُنہاں ریاست گلیل نے حُکمران بیروڈیس کی
 بہوں ڈانٹیا سی، کیئانکہ اُس اپٹی پرجہائی کی اپٹے
 کہار وچ ناجائز طور اپر رخیا سی تے ہور وی کئی
 بُرے کم کیتے وے سن۔²⁰ بیروڈیس اک غلط کم
 اے وی کیتا کہ حضرت یحییٰ کی قید کروائی شوڑیا۔

حضرت عیسیٰ نا پاک غُسل کرواٹا تے اُنہاں نا شجرہ نسب

21 اِس تون پہلے اک دیہاڑے اِسرَح ہویا سی کہ حضرت
 یحییٰ بہوں ساریاں لوکاں کی پاک غُسل کروایا، تے
 حضرت عیسیٰ کی وی پاک غُسل کروایا۔ جیہڑے ویلے
 حضرت عیسیٰ دُعا کرنے پئے سن تے اُنہاں اپر آسمان نے
 پردے کھلی گئے۔²² رُوح پاک کبوتر نی صورت وچ اُنہاں
 اپر نازل ہوئی۔ اُسے ویلے آسمان وچوں اے آواز وی آئی،
 ”تون مہاڑا پیارا پُتر ایں، جیہڑا کہ مکی بہوں چنگا لغٹا۔“
 23 جس ویلے حضرت عیسیٰ دعوت و تبلیغ نا کم شروع
 کیتا، تے او تقریباً تریٹاں سالان نے سن۔ لوک اُنہاں کی

یوسف نا پُتر ہوئے نی حیثیت نال سیانٹے سن۔ یوسف،
 ایلی نا پُتر سی، ²⁴ ایلی متات نا پُتر، متات لاوی نا پُتر،
 لاوی ملکی نا پُتر، ملکی ینا نا پُتر، ینا یوسف نا پُتر،
²⁵ یوسف متتیاہ نا پُتر، متتیاہ عاموس نا پُتر، عاموس ناحوم نا
 پُتر، ناحوم اسلیاہ نا پُتر، اسلیاہ نوگہ نا پُتر، ²⁶ نوگہ ماعت نا
 پُتر، ماعت متات نا پُتر، متات شمع نا پُتر، شمع یوسیخ نا
 پُتر، یوسیخ یہوداہ نا پُتر، ²⁷ یہوداہ یوحنا نا پُتر، یوحنا روشی
 نا پُتر، روشی زربابل نا پُتر، زربابل شیلا نا پُتر، شیلا نیئر نا
 پُتر، ²⁸ نیئر ملک نا پُتر، ملک عدیل نا پُتر، عدیل قاسم نا
 پُتر، قاسم المودام نا پُتر، المودام عیر نا پُتر، ²⁹ عیر یوشع
 نا پُتر، یوشع علی عزرا نا پُتر، علی عزرا یورام نا پُتر، یورام
 متات نا پُتر، متات لاوی نا پُتر، ³⁰ لاوی شمعون نا پُتر،
 شمعون یہوداہ نا پُتر، یہوداہ یوسف نا پُتر، یوسف یونس
 نا پُتر، یونس قیوم نا پُتر، ³¹ قیوم میلیاہ نا پُتر، میلیاہ منان
 نا پُتر، منان متتاه نا پُتر، متتاه ناتن نا پُتر، ناتن حضرت
 داؤد نا پُتر، ³² حضرت داؤد یسی نے پُتر، یسی عبید نا پُتر،
 عبید بوغز نا پُتر، بوغز سلمان نا پُتر، سلمان نحسون نا پُتر،

33 نَحْسُونِ عَمِي نَدَابِ نَا پُتْر، عَمِي نَدَابِ اَدْمِيْنِ نَا پُتْر،
 اَدْمِيْنِ اَرْنِي نَا پُتْر، اَرْنِي حَصْرُونِ نَا پُتْر، حَصْرُونِ فَاْرِصِ نَا
 پُتْر، فَاْرِصِ يَهُودَاهِ نَا پُتْر، 34 يَهُودَاهِ حَضْرَتِ يَعْقُوْبِ نَا پُتْر،
 حَضْرَتِ يَعْقُوْبِ حَضْرَتِ اِسْحَاقِ نَرِي پُتْر، حَضْرَتِ اِسْحَاقِ
 حَضْرَتِ اِبْرَايِيْمِ نَرِي پُتْر، حَضْرَتِ اِبْرَايِيْمِ تَارِحِ نَرِي پُتْر، تَارِحِ
 نَحُوْرِ نَا پُتْر، 35 نَحُوْرِ سِرَاجِ نَا پُتْر، سِرَاجِ رَعُو نَا پُتْر، رَعُو
 فَلَاجِ نَا پُتْر، فَلَاجِ عِبْرِ نَا پُتْر، عِبْرِ صَالِحِ نَا پُتْر، 36 صَالِحِ قِيْنَانِ
 نَا پُتْر، قِيْنَانِ اَرْفِيْكَسَدِ نَا پُتْر، اَرْفِيْكَسَدِ سَامِ نَا پُتْر، سَامِ
 حَضْرَتِ نُوحِ نَا پُتْر، حَضْرَتِ نُوحِ لَامَكِ نَرِي پُتْر، 37 لَامَكِ
 مَتَوَصْلَا حِ نَا پُتْر، مَتَوَصْلَا حِ حُنُوْكَ نَا پُتْر، حُنُوْكَ يَارِدِ نَا
 پُتْر، يَارِدِ مَهْلَلِ اِيْلِ نَا پُتْر، مَهْلَلِ اِيْلِ قِيْنَانِ نَا پُتْر، 38 قِيْنَانِ
 اَنُوْشِ نَا پُتْر، اَنُوْشِ شِيْثِ نَا پُتْر، تَرِي شِيْثِ حَضْرَتِ اَدْمِ نَا پُتْر
 سِي، تَرِي حَضْرَتِ اَدْمِ نِي تَخْلِيْقِ اللّٰهِ پَاكِ اِيُوْنِ كِيْتِي سِي۔

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر
کیتا۔ اسان نا دلی مقصد اے کہ اس پیغام کی پھیلا یا جائے۔
اسان خوشی نال عیسیٰ المسیح نے بارے وچ تسان نال گل
کرساں، یا تسان نال دُعا کرساں، یا تسان نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>